



**TOLOSAKO UDALEAN GOBERNANTZA TEKNIKARI BAT BEHIN-BEHINEKO IZAERAZ
IZENDATZEKO ETA LAN-POLTSA SORTZEKO HAUTAKETA-PROZESUKO OINARRI
ARAUTZAILEAK.**

LEHENA.- Deialdiaren helburua.

Oinarri hauen xedea hautaketa-prozesua arautzea da, ondoren behin-behinean gobernantza-teknikari bat izendatzeko eta Tolosako Udalean lan-poltsa bat sortzeko.

Lanpostuak ezaugarri hauek ditu:

- Eskala: Administrazio Orokorra
- Azpieskala: Kudeaketa
- Sailkapen-taldea: A2
- Titulazioa: Soziologiako gradua edota Zientzia politikoetan eta kudeaketa publikoan gradua.
- Hizkuntza-eskakizuna: 3. hizkuntza eskakizuna
- Ordainsariak: 43.487,51 euro urtean.
- Lan-harremana: funtzionarioa

Eguneko lanaldia Tolosako Udalak ezartzen duena izango da, beti ere zerbitzuaren izaera eta beharrian espezifikoak kontuan izanda.

BIGARRENA.- Lanpostuaren eginkizunak.

Lanpostuak honako eginkizun hauek guztiak izango ditu:

- Herriko eragile eta elkarten mapaketa eta beraiei zuzenduriko baliabideen udal katalogoa sortzea.
- Boluntariora eta elkarten arteko lankidetza sustatzea, lankidetza-mahaiak antolatzea eta dinamizatzea, parte-hartzea eta balore sozialak sustatuz.
- Komunikazio eta gardentasun ekimenak koordinatzea, beharrezko tresna digitalen bitartez.
- Egitasmoen jarraipena, datuen kudeaketa eta ebaluazioa burutzea, jarraipen-sistemak ezarriz eta txostenak prestatuz.

HIRUGARRENA.- Izangaiei betebeharrak

Hautaketa-prozesuan onartua izateko baldintza hauek bete behar dira:



a) Nazionalitate espainiarra edukitzea, edo beste edozein estatutakoa, baldin eta Europar Batasunak formalizatutako nazioarteko itunen baten arabera aplikaziozkoa bada langileen joan-etorri askea, Europako Erkidegoa Eratzeko Itunean zehaztutako eran.

Halaber, Europar Batasuneko estatueta herriartasuna dutenen ezkontideek ere parte hartu ahal izango dute, baldin eta Zuzenbidearen arabera banatuta ez badaude, bai eta haien ondorengoek eta ezkontideen ondorengoek ere, baldin eta Zuzenbidearen arabera banatuta ez badaude eta ondorengoak hogeita bat (21) urtetik beherakoak badira edo, adin horretatik gorakoak izanda ere, menpekoak badira.

b) 16 urte beteta edukitzea.

c) Gradu edo diplomaturako unibertsitate-titulua edo parekatua edukitzea edo hura eskuratzeko eskubideak ordainduta izatea.

d) Hizkuntza-eskakizuna: 3. hizkuntza eskakizuna

e) Lanpostuari dagozkion lanak egiteko gai izatea, eta lan horietan behar bezala aritzea eragotziko lukeen gaixotasunik edo eragozpen fisiko edo psikikorik ez izatea. Baldintza hori dagokion unean egiaztatu beharko du lanpostu batean hasiera deitutako izangaiak, azterketa medikua eginda udalak horretarako ezarria duen zerbitzuan.

f) Diziplina-espediente bitartez inongo Administrazio Publikoetako zerbitzutik baztertuta edo kanporatuta ez egotea, eta desgaituntzarik ez izatea (erabatekoa zein berezia) enplegu edo kargu publikoak betetzeko. Beste estatu bateko herritarra izanez gero, estatu horretan ez edukitzea desgaituntzarik edo antzeko egoerarik, ezta estatu hartan Funtzio Publikoan jardutea galaraziko liokeen diziplina-zehapenik edo zigor-kondenarik ere.

g) Indarrean dagoen araudiaren arabera, ezgaitasun- edo bateraezintasun-auziren batean sarturik ez egotea; hala ere, araudiak ematen duen aukera-eskubidea errespetatuko da.

Izangaiak beteta eduki behar dituzte baldintza horiek deialdian onartuak izateko eskabideak aurkezteko epea amaitu baino lehen, eta lanpostuaz jabetu arte bete beharko dituzte.

Halaber, prozeduraren edozein unetan, epaimahaiak jakinez gero izangaietako batek ez dituela betetzen deialdiak eskatzen dituen baldintzak, izangai hori prozeduratik kanpo geratuko da, berarekin hitz egin eta gero, eta hautaketa-prozedura deitu duen agintaritzari emango zaio horren berri, egun horretan bertan.

LAUGARRENA.- Epaimahai kalifikatzailearen osaera

- Lehendakaria: Giza Baliabideetako Arduraduna edo berak izendatutako ordezkaria
- Mahaiko kideak:
 - Tolosako Udaleko Komunitate eta gobernantza arduraduna
 - Tolosako Udaleko bi teknikari
- Idazkaria: Giza Baliabideetako teknikaria edo berak izendatutako ordezkaria

Epaimahaiaren jarduketa-prozedura Administrazio Publikoen Administrazio Prozedura Erkidearen urriaren 1eko 39/2015 Legean, Sektore Publikoaren Araubide Juridikoaren urriaren 1eko 40/2015 Legean eta indarrean dauden gainerako xedapenetan zehaztutakora egokituko da beti.



Enplegu Zerbitzu Publikoek aurrez hautatutako izangaiek epaimahaikideak errekusatu ahal izango dituzte, Sektore Publikoaren urriaren 1eko 40/2015 Legearen 24. artikuluan aurreikusitako baldintzak gertatzen direnean.

Epaimahaiaren ardura izango da ariketen garapenean sor daitezkeen gorabeherak aztertzea, egiaztatzea eta balioestea, eta egokitzat jotzen dituen erabaki arrazoituak hartzea.

BOSGARRENA.- Izangaiauk aukeratzea

Lanpostua betetzea premiazkoa denez, Enplegu Zerbitzu Publikoaren bidez (LANBIDE), hautagaiak eskatu eta dagokion hautaketa-proba egingo da.

Beraz, zerbitzu horrek hautatutako izangaien artean egingo da aukeraketa.

Hautaketa-prozesuan parte hartzeko baldintzak Lanbideren datu basean agertu beharko dute (hautagaiaren Curriculum Vitae), kontuan hartu ahal izateko.

Ondoren, udalak onartutakoen eta baztertutakoen zerrenda egin eta argitaratuko du udalaren webgunean, oposizio-proba egingo den egunarekin eta tokiarekin batera.

SEIGARRENA.- Oposizio-faseko proba

Proba hau nahitaezkoa eta kanporatzailea izango da.

Lanpostuari atxikitako eginkizunen inguruan ariketa praktiko bat edo gehiago erantzungo dira ahoz, Epaimahaiak erabakitzen duenaren arabera eta 0 puntutik 60 puntura baloratuko da; beraz, 30 puntu lortzen ez dituzten hautagaiak hautaketa-prozesutik kanporatuak izango dira.

ZAZPIGARRENA.- Jakinarazpenak

Epaimahai kalifikatzailearen komunikazio eta jakinarazpen guztiak Tolosako Udalaren web orriaren bitartez egingo dira.

ZORTZIGARRENA.- Emaizak argitaratzea eta berrikustea

Probaren emaitzak argitaratu ondoren, gutxienez 3 egun balioduneko epea ezarriko da azterketak berrikusteko, eta, ondoren, erreklamazioak egiteko 3 egun balioduneko epea, azterketa berrikusteko epea amaitzen denetik zenbatzen hasita.

Erreklamazioak idatziz aurkeztu beharko zaizkio epaimahaiburuari, Herriarren Arretarako Bulegoan (UDATE), edo epaimahaiko idazkariari, ofizialki erregistratu ditzan. Tolosako Udalaren Erregistro Elektronikoko Orokorrean ere aurkeztu ahal izango dira.



Erreklamaziorik aurkezten ez bada, behin-behineko emaitzak behin betikotzat joko dira automatikoki. Proba amaitu ondoren, epaimahaiak hura gainditu duten izangaien zerrenda argitaratuko du, lortutako guztizko puntuazioaren arabera.

BEDERATZIGARRENA.- Dokumentazioa aurkeztea

Hautagaiek Enplegu Zerbitzu Publikoan (LANBIDEN) aurkeztu beharko dituzte hirugarren oinarrian ezarritako baldintzak betetzen dituztela ziurtatzen duten dokumentuak.

HAMARGARRENA.- Izendapena

Alkatetzak kontratatuko du Epaimahai Kalifikatzaileak proposatutako izangaia, hirugarren oinarrian aipatzen diren baldintzak betetzen dituela ziurtatu ondoren eta beharrezko dokumentazioa aurkeztu eta gero.

HAMAIKAGARRENA.- Lan-poltsa eratzea

Oposizio-faseko proba gainditzen duten hautagaiekin lan-poltsa bat osatuko da, lortutako azkeneko puntuazioaren araberrako hurrenkeran (puntu gehien lortu duenetik hasita).

Lan-poltsa hori Tolosako Udalak erabili ahal izango du lanpostu berean edo antzeko funtzioak dituzten lanpostuetan sortzen diren aldi baterako beharrak betetzeko.

HAMABIGARRENA.- Gertakariak eta legeria osagarria

Epaimahaiak ahalmena du gerta daitezkeen zalantzak argitzeko eta hautaketa-prozesuaren garapen egokirako beharrezko erabakiak hartzeko, oinarri hauetan aurreikusten ez den gaian.

Oinarrietan aurreikusi gabekoetan, honako hauek aplikatuko dira:

7/1985 Legea, apirilaren 2koa, Toki Araubidearen Oinarriak arautzen dituen; 11/2022 Legea, abenduaren 1koa, Euskal Enplegu Publikoarena; 5/2015 Legegintzako Errege Dekretua, urriaren 30koa, Enplegatu Publikoaren Oinarritzko Estatutuaren Legearen Testu Bategina onartzen duena; 2/2015 Legegintzako Errege Dekretua, urriaren 23koa, Langileen Estatutuaren Legearen testu bategina onartzen duena; eta aplikatzekoak diren gainerako xedapenak.

HAMAHIRUGARRENA.- Deialdiaren inpugnazioa.

Interesdunek inpugnatu egin ditzakete deialdia, haren oinarriak eta haien ondoriozko eta epaimahaiaren jardunbidearen ondoriozko ekintza administratiboak, Administrazio Publikoen Administrazio Prozedura Erkidearen 39/2015 Legeak, urriak 1koa, dioen kasuetan eta moduan.



Tolosako Udala

2025PDLP0005

Tolosan, 2025eko azaroaren 4an